

西崑酬倡集

明刊本





刊西崑詩集序



論詩者類知宗盛唐黜晚唐斯二體信有辨
矣然詩道性情古人采之觀風正樂以在治
忽者也如不得作者之意徒曰盛唐盛唐予
不知直似盛唐亦何以也杜少陵盛唐之祖
也李義山晚唐之冠也體相懸絕矣荆國乃
謂唐人學杜者惟義山得其藩籬此可以意
會矣楊劉諸公倡和西崑集蓋學義山而過
者六一翁恐其流靡不返故以優游坦夷之
辭矯而變之其功不可少然亦未嘗不有取

于崑體也徂徠冷齋著爲怪說詩厄和者又
從而張之崑體遂廢其實何可廢也夫子一
嘆由瑟門人不敬子路信耳者難以言喻如
此故曰游于藝夫誠以藝游晚唐亦可也不
然盛唐猶是物也奚得于彼哉要必有爲之
根源者耳子美云文章一小技於道未爲尊
作者之言蓋如此夫惟達宣聖游藝之旨審
杜老技道之序味介甫藩籬之說而得歐公
變崑之意詩道其庶矣乎

嘉靖丁酉臘日高郵張紱序

西崑訓唱集序

翰林學士戶部郎中知制誥楊億述

余景德中忝佐脩書之任得接羣公之遊時
今紫微錢君希聖祕閣劉君子儀並負懿文
尤精雅道雕章麗句膾炙人口予得以游其
墻藩而咨其模楷二君成人之美不我遐棄
博約誘掖冥之同轂因以應覽遺編研味前
作挹其芳潤發於希慕更迭唱和互相切劘
而予以固陋之姿參訓繼之末入蘭游霧雖
獲益以居多觀海學山嘆知量而中止旣恨

其不至又犯乎不韙雖榮於託驥亦愧乎續
貂間然於茲頽厚何已凡五七言律詩二百
四十七章其屬而和者又十有五人析爲二
卷取玉山策府之名命之曰西崑詠唱集云
爾

西崑唱和詩人姓氏



楊億翰林學士左司諫知制誥

劉筠大理評事秘閣校理

錢惟演太僕少卿直秘閣

李宗諤翰林學士

陳越著作佐郎直史館

李維戶部員外郎直集賢院

劉騭工部員外郎直集賢院

丁謂樞密直學士

刁衍駕部員外郎直秘閣

元闕

張詠樞密直學士

錢惟濟 恩州刺史

任隨

舒雅 職方員外郎 祕閣校理 監舒州靈仙

晁迥 翰林學士

崔遵度 左司諫 直史館

薛映 右諫議大夫

秉

西崑詠唱集卷上

受 詔修書述懷感事三十韻

楊億 翰林學士 知制誥

太極垂裳日 中原偃革初
樓船秋發詠 衡右夜程書
好問虛前席 徵賢走傳車
蓬萊侔漢制 煨燼訪秦餘
紬繹資金匱 規模出玉除
紛綸開四部 祕邃接千廬
飫賜雙雞膳 親廻六尺輿
華芝下閭闔 白羽擁諸胥
望氣成龍虎 披文辯魯魚
清光無咫尺 玄覽亦躊躇
群彥揮鈔筆 微生濫石渠
嵇康真懶慢 謝客本空疎
講學情田壟 談經腹笥虛
月評依許劭 文體慕相如
雅飲歡嬉洽 清言鄙恹祛
彌旬容出沐 終日喜群居
撫已慚鳴玉 歸田憶荷鋤
池籠養魚鳥 章服裹猿狙

園府愁尸祿天閣媿獎裾虛名同鄭璞散質類莊搏
國士誰知我隣家或侮予放懷齊指馬屏息度羲舒
寡婦宜憂緯三公亦灌蔬危心惟齧棘直道忍蓬篠
往聖容巢許先儒美甯遠晨趨歎勞止夕惕念歸歟
秦痔踈杯酒顏瓢賴斗儲如諧曲肱卧猶可直鈎漁
矯矯龜銜印翩翩隼畫旗一麾終遂志阮籍去騎驢

劉筠

大理評事
秘閣校理

良弼論思暇英才視草餘西清承密旨東觀類群書
左氏先經日征南發例初編年終顯德歷帝自凡遽
一覽無前古三長豈後予宏綱提要妙至論絕遽蔭
訛繆刊三豕公平喜衆狙菁英咸采掇瘡贅盡銷除
組織千章合研窮萬象虛胡爲參也魯亦造仲尼居

慶末加駢拇於中或輔車乘軒思衛鶴努力效劉驢
見彈曾求多臨川復羨魚孰云貂可續自愧鷄難如
早入希東郭先知服子輿直非頭似筆智謝里名樗
蝸舍遊從寡鶉衣禮貌疎寸陰嗟荏苒十駕敢躊躇
天祿揚雄閣承明嚴助廬時陪折俎宴頓異帶經鋤
繫日親函丈他門絕曳裾卓錫然有地擔石尚無儲
獵犬方勞指神龜可避漁屠門誇大嚼鼠壤鄙餘蔬
闕里辭難措漳濱病且祛學勤徒力爾性拙柰天歟
大道今興起先生意卷舒正爲王者瑞何羨使君璜
暗室欣觀火顏波頓決渠當仁如退讓末跡定淪胥

南朝

億

五鼓端門漏滴稀夜籤敲斷翠華飛繁星曉埭聞雞

度細雨春場射雉歸步試金蓮波濺襪歌翻玉樹涕
沾衣龍盤玉氣終三百猶得澄瀾對啟扉

錢惟演太僕少卿直秘閣

結綺臨春映夕霏景陽鍾動曙星稀潘妃寶釧光如
晝江令花牋落似飛舳艫凌波朱火度舳舻拂漢紫
烟微自從飲馬秦淮水蜀柳無因對殿幃

筠

華林酒滿勸長星青漆樓高未稱情麝屏燈迴偏照
書雀航波漲欲浮城鍾聲但恐嚴粧晚衣帶那知敵
國輕千古風流佳麗地盡供哀思與蘭成

李宗諤翰林學士

仙華玉壽夜沉沉三閣齊雲沒道深平昔金鋪空廢

苑于今瓊樹有遺音珠簾映寢方成夢麝屏飄香未
稱心惆悵雷塘都幾日吟魂醉魄已相尋

禁中庭樹

億

直幹依金闕繁陰覆綺楹纍珠晨露重嚙管夜蟬清
霜柱丹丘路星榆北斗城歲寒徒自許蜀柳笑孤貞

惟演

紫闥分陰地丹條擢秀時高枝接温樹密葉覆辛夷
夜影搖光接晨英玉露滋乘春好封殖為賦角弓詩

筠

羽葉籠盤石虬枝拂畫堂夜鼓含素瑟曉影逼扶桑
好借鸞為瑞無容麝指香寧知千載後祇羨召公棠

休沐端居有懷希聖少卿學士 億

凝塵滿榻素琴橫岸幘孤吟意未平茗粥露芽銷晝
夢拓漿雲液浣朝醒水沉朱李金瓶澁風獵幽蘭羽
扇輕獨憶當筵試湯餅謫仙冰骨照人清

惟演

雕盤瓊盞冰聲寒斯密樹蟬嘶下直時更賦新詩答
靈運不將團扇隔元規經梅綠草沿堦上盡日流風
轉蕙遲祇待觚稜照初旭橫經還集絳紗帟

筠

轍轍風檐乳燕翔浴蘭衣綵篋流黃雲密倏變千峰
險草色相公百帶長旋製紫荷供素筆暗移神蔡忍
措牀思君祇欲傾家釀待警同誰賦栢梁

陳越 善作位郎直史館

玉甃銀牀蔭碧桐北窓珍篋水紋融衣裁練布如王
導扇執蒲葵學謝公瓊屑半和仙掌露蘭茗輕泛楚
臺風若非冰雪神仙骨相樂誰同一笑中

李維 戶部員外郎直集賢院

銀闕琳房視草餘龍門岑寂斷軒車彩毫閒試金壺
墨青案時看玉字書王儉風流希謝傅子雲詞賦敵
相如瓊枝不見蕭齋晚蕙草烟微度綺疏

再次首唱韻和

惟演

雲變危峰萬里橫簾鋪湘水一床平紅蘭受露消晨
渴綠蕙翻風折夜醒逸少偶書葵扇貴羊欣閒卧練
裙輕無妨天上芝泥熟獨看瑤光近太清

碧樹銀塘接畫樓
天人誰肯降瓊輶
三山密信傳青雀
五日歸鞍躍紫騮
卸酒泛冰星并側
吳歛倚瑟黛蛾愁
雲峰得句懷真賞
瘦盡東陽沈隱侯

桂花

億

紫霧函燈紫彤霞
逼綺寮吳宮何薄命
楚夢不終朝
半被曾羞問鄰墻
却悔招莫移風雨
怨更囑鵲為橋

億

宿霧初披殼
晨霞暫照梁
千金經換笑
七駕未成章
塵暗神妃襪
衣殘侍史香
深情傳寶瑟
終古怨清湘

劉隲

工部員外郎
直集賢院

號國粧初罷
高堂夢始迴
霓裳猶未解
繡被已成堆

赤帝宮簾卷
華陽洞戶開
神仙有良會
清唱在瑤臺

惟演

綺霞初結處
珠露未稀時
寶樹寧三尺
華燈更九枝
亭亭方自喜
黯黯却成悲
欲作非烟散
猶憐反照遲

代意二首

億

夢蘭前事悔成占
却羨歸飛拂画簷
錦瑟驚弦愁別鶴
星機促杼怨新縑
舞腰罷試收紈袖
博齒慵開委玉奩
幾夕離魂自無寐
楚天雲斷見涼蟾

短夢殘粧慘別魂
白頭詞苦怨文園
誰容五馬傳心曲
祇許雙鸞見淚痕
易變青隨南地橘
忘憂虛對北堂萱
回文信斷衣香歇
猶憶章臺走畫轅

宗諤

霧鴛曉影忽參差雲雨陽臺後夢思自是膠弦無續
日不同珪月有圓時洞房半帳承新愛河漢星橋隔
淺期綺榭凝塵斷消息杼情空擬四愁詩

丁謂樞密直學士

玦帶珊瑚珮解瓊楚雲無定好傷情臨卽已誤通琴
意金谷難尋辯玉斝微警單棲盤露重密含幽思曉
蘭平明珠百琲將何當悵望輕軀病欲成

刁衍駕部員外郎直秘閣

蕙時芳夕九回陽歛袂東窓待曉光秦嶺樹高迷隴
塞楚天雲澹隔瀟湘病餘公幹情多詠秋晚安仁髮
足霜休道鮫人落珠淚微波還擬託陳王

筠

華池阿閣不相容濁水清塵恨莫窮明月自新班女
扇行雲無柰楚王風乳鶯啼曉銷蘭炷媚蝶傷春失
蕙叢縱使多才如子建祇能援筆賦驚鴻

元闕

懊惱鴛鴦未白頭却尋遺翠失芳洲離魂暗逐明珠
佩遠目偏傷紫桂樓湘水渺瀰歸別渚隴雲空與澹
新秋菖花若有重開日得見菖花亦自羞

隲

路隔仙源不可尋紫墻霜戟夜沉沉緘情謾託傳書
鴈換笑空餘取酒金翡翠巢成珠樹密驪龍睡起玉
淵淡新知自樂生離苦年少情多豈易禁

漢武

億

蓬萊銀鬪浪漫漫弱水回風欲到難
光照竹宮勞夜拜露溥金堂費朝飧
力通青海來龍種死諱文成食馬
肝待詔先生齒編貝那教索米向
長安

筠

漢武天臺切絳河半涵非霧鬱嵯峨
桑田欲看他年變匏子先成此日歌
夏鼎幾遷空象物秦橋未就已沉波
相如作賦徒能諷却助飄飄逸氣多

惟演

一曲橫汾鼓吹迴侍臣高會栢梁臺
金芝燁煜凌晨見青雀軒翔白晝來
立候東溟邀鶴駕窮兵西極待龍媒
甘泉祭巖神光滅更遣人間識玉杯

衍

高宴栢梁詞可仰橫汾簫鼓樂難窮
已教丞相開東閣猶使將軍悞北戎
洒淚甘泉還有恨祈年仙館惜成空
誰知辛苦回中道共盡千齡五柞宮

任隨

太常丞直集賢院

棘庭深恨隔仙曹桂館蜚廉事轉勞
銀闕尚沉滄海闊井幹空拂絳河高
蒼陽戈獵侵多稼朔塞旌旗照不毛
昔信憑虛王母說東方三度竊蟠桃

隲

高挹方諸薦水倉醮壇時見燭神光
日邊甲帳雖虛設汾上樓船不可忘
盤檠碧霄甘露白鼎遷幽壤瑞雲黃
東巡岱嶽探金策倒指寧聞壽數長

宗諤

建章宮闕鬱嵒峩
露掌脩莖倚次窠
平樂館中觀角
觝單于臺上懾天驕
蓬萊望氣滄波濶
太一祈年紫府遙
西母不來東朔去
茂陵松栢冷蕭蕭

館中新蟬

筠

庭中嘉樹發華滋
可要螿娘共此時
翼薄乍舒宮女
髮蛻輕全解羽人
尸風來玉女烏先
轉露下金莖鶴
未知日永叢長蕪
夜思肯容潘岳到
秋悲

億

碧城青閣好迢涼
高柳新叢逐吹長
貴伴金貂尊漢
相清含珠露怨齊
玉蘭臺密侍初成
賦河朔歡遊正
舉觴雲髮翠綫徒
自許先秋楚客已
回腸

惟演

冉冉光風泛紫蘭
新叢含怨日將殘
自憐伴雀成圍
扇誰許迎秋集武
冠委脫亭皋隨木
葉飛綫雲表拂
仙盤青葱玉樹連
金爵不覺醯雞競
羽翰

張詠

樞密直學士

脫塵還與比仙遊
露腹何妨近品流
嫩殼半遺紅藥
地細聲偏傍綠楊
樓詩家取象吟難
盡畫格偷真意
不休正好儒林擬
綫縹緲憑欄無苦
預悲秋

宗諤

雨過新叢出苑牆
烟輕餘韻度回塘
短亭疎柳臨官
道平野西風更夕
陽八斗陳思鏡賦
詠二毛潘岳易
悲涼感時偏動騷
人思不問天涯與
帝鄉

騰

搖落何須宗玉悲齊庭遺恨莫沾衣池中菡萏香全
減井上梧桐葉乍飛風促箏聲隨斷續日移輓影自
光輝宜秋門外饒芳樹結駟那堪送客歸

夜讌

錢惟濟

思州刺史

清讌夜何其南亭露欲晞踟躕霞神舞激盪羽觴飛
鏤柶搖花落金璫照月輝瑤光未西落休賦醉言歸
億

涼宵綺宴開鄙涿湛芳壘鶴蓋留飛鳥珠喉怨落梅
薄雲齊髮膩流雪楚腰迴巧笑傾城媚雕章刻燭催
盤空珠有淚鑪冷蕙成灰巾角彈棋勝琴心促軫哀
醉羅驚夢枕秋愁恹恹粧臺風細傳疎漏猶歌起夜來

筠

玳押風簾薄金徒漏箭長食魚齊上客置醴漢元王
蒟醬辛初和滂壑冷乍嘗巢笙傳曲沃條鼓發漁陽
吟燭惟憂盡杯壽豈易防齒犀融雪袍麝薦荀香
笑逐呼盧勝歌隨解佩狂遺簪燕墮珥流眄復回腸
綵鳳尋仙史班駢待陸郎王歡殊未已投轄在銀牀

惟演

昨夜讌南堂華燈燭九光削青爭落筆舉白鬪飛觴
祇覺輝裴玉寧思夢謝塘解煩多密勺藉俎半蘭芳
促席風弦怨開簾月露涼醜頰君莫訴西北轉銀潢

鶴

筠

碧樹陰濃鈿砌平華亭歸夢曉頻驚仙經若未標奇
相琴操何因寄恨教養氣自憐鷄善勝全身却許鷹

能鳴芝田玉水春雲伴可得乘軒是所榮

億

悵望青田碧草齊帝鄉歸路阻丹梯露濃漢苑宵猶
警雪滿梁園書乍迷瑞世鸞皇徒自許繞枝烏鵲未
成棲終年已結雲羅恨忍送西樓曉月低

詠

共憐潔白本天姿縱在泥塵性不卑況是稻梁馱足
日好尋烟月却歸時跡參詩雅何年盡名系仙經四
海知應到崑丘指來厯曾陪鴛鴦浴華池

隨

何年玉羽別崑丘飛舞長親十二樓警露夜窺瑤圃
月翔雲高憶海天秋肯教渠畧知遐壽會向神區更

遠遊正是溶溪烟水碧好陪青鳳飲澄流

惟演

碧樹陰濃接玉墀幾年飛舞伴長離天淵風雨多秋
意遼海烟波失舊期自許一鳴聞迥漢可隨三匝繞
空枝從來腐鼠何曾願不似鷓鴣枉見疑

公子

夾道青樓拂綵霓月軒言袖案前溪錦鱗河伯供烹
鯉金距隣翁逐鬪鷄細雨墊巾過柳市輕風側帽上
銅堤珊瑚擊碎牛心熟香東蘭芳客自迷

筠

油壁春車隔渭橋黃山路遠苦相邀行苑變蟻雕胡
孰永埒鋪金汗血騎別館橫陳張靜婉期門長揖霍

嫖姚注鉤握槊會無憚綠桂膏濃曉未銷

惟演

蓮勺交衢接苑園來時十里一開筵歌翻南國捷
曲馬過章臺杏葉鞦別殿對迴雙綬貴後門歸夜九
枝然閑隨翠憶歌烏帽紫陌三條入柳烟

舊將

億

平生苦戰憶山西拊劔臨風氣吐霓戰戶當衢容駟
馬羣奴繞帳列生犀新豐酒滿清商咽武庫兵銷太
白低驪肉漸生衣帶緩早朝空聽汝南雞

筠

夫八蛇矛戰血乾子孫今已列材官青烟碧瓦開新
第白草黃雲廢舊壇勞薄可甘先闌舌爵高還許戴

劉冠秋來從獵長楊樹矍鑠猶能一據鞍

隨

幾年塵虜漫征蠻分闔功成兩鬢班新畫儀形當漢
閣舊銘勲業在燕山龍泉照少文犀泣馬埒堆金駿
足閒時泰無因問克國曉窓風雪夢陽關

隲

疆弩當年討不庭功成身退炳丹青囊沙澤畔知兵
法聚米山前識陣形驥老未甘秋伏櫜劍閑猶覺夜
衝星今第錫土傳家謀鍾鼎還須為勒銘

宣曲二十二韻

宣曲更衣寵高堂薦枕榮十洲銀闕峻三閣玉梯橫
鸞扇裁絨製羊車插竹迎南樓看馬舞北埭聽鷄鳴

綵縷知延壽靈符為辟兵粟眉長占額螭髮俯侵纓
蓮的沉寒水芝房照畫楹麝臍薰翠被鹿瓜試銀箏
秦鳳來何曉蕪蘭夢未成絲囊晨露濕椒壁夜寒輕
綺段餘霞散瑤林密雪晴流風祕舞罷初日靚粧明
雷響金車度梅殘玉管清銀環添舊恨瓊樹怯新鼓
洛媛迷芝館星妃滯斗城七絲絙綺六竹者闔明瓊
慣聽端門漏愁聞上苑鶯虛廊偏響簾近署鎖嚴更
剗藥心長苦投籤夢自驚雲波誰託意璧月久含情
海闊柁難熟天高桂旋生銷魂壁臺路千古樂池平

筠

八月收民算三千異典章天機從此淺國艷或非良
玉戶銅為杳羅幃象作牀驪姬初悔泣飛燕近專房

蓮小纔承步梅新競試粧盡知春可樂終歎夜何長
取酒臨卣遠吞鼓息國亡難銷守宮血易斷舞鸞腸
百草蕪花鬪雙鈎映燭藏金人須手鑄虎圈更身當
步輦回長樂飛除接未央琳珉飾漢館藻繡裛周墻
獸火雙魚尾鳴弦小鴈行雲甍澄顙氣綺井激回光
路有斯須隔憂難頃刻忘新鼓來樂府別寢近溫湯
虹跨層臺晚螢飛下死涼錦帷迎七夕逢餌薦重陽
九曉蘭承露三江橘帶霜方資裂繒笑可要蕩舟狂
並釣池魚小重衾穴鳳翔珊瑚分碧樹火齊列清防
背梳多幽怨登樓更遠傷下陳無自媿人彘劇豺狼

惟演

絳纓初分後銀環未解時已鄣紈扇笑猶捧玉壺悲

乞巧長生殿迎風太液池雕屏逐火齊寶帳隔琉璃
欲買詞人賦空傳狎客詩蔗漿銷內熱瓊蕊療朝飢
綺帶拖初熟紅心草欲披凌波渡羅襪向日翳華芝
素臉分丹柰香津滴紫梨龍核隨振素獺髓補凝脂
蓬鉞重陽節金針七夕期玉膏嘗溢翠蓋逐威蕤
弦急哀隨指歌長恨入眉青鸞惟有舞赤鳳可能疑
下蔡迷還易平陽破未知髻高釵自墜腰細佩長垂
出恐嚴鍾晚歸嫌鈿憶逢轆轤驚晚夢鸚鵡漏春思
冤怨惟愁斷腸柔已自危壁璫螢影度瓊方蘚花滋
掩鼻詭難訴披圖悔豈追桓應金帶枕聊為達微辭

赤日

億

赤日亭亭書正賒長風萬里憶星槎銅盤瓊蕊三危

露素縷寒漿五色瓜蘭室冷光浮玉簫柳營清吹逐
金笳翠微泉石終南路千古離宮倚曙霞

筠

芒爍盛德正渾儀休問探湯向小兒盡日羽陵開蠹
簡幾人河朔引芳卮堯厨蓬蒿頰搖處漢殿桐風未
轉時爭得琴高借雙鯉暫遊姑射對冰姿

夜意

惟演

漏淺風微夜未勝雨雲無跡火雲凝簾鋪寒水頻移
枕帳卷輕烟更背燈沃頂幾思金掌露滌煩誰借玉
壺冰蘭臺知有披襟處宗玉多才獨自登

明皇

億

玉牒開觀檢未封鬪鷄三百遠相從紫雲度曲傳浮

世白石標年鑿半峰河朔叛臣驚舞馬渭橋遺老識
真龍蓬山鈿合愁通信迴首風濤一萬重

惟演

山上湯泉架玉梁雲中複道拂瑤光絲囊暗結三危
露翠憶時遺百和香枉是金鷄親便坐更拋珠被掩
方牀匆匆一曲涼州罷萬里橋邊見夕陽

筠

歲歲南山見壽星百蠻迴首奉威靈梨園法部兼胡
部玉輦長亭漫短亭河鼓暗期隨日轉馬嵬恨血染
塵腥西歸重按凌波舞故老相看但涕零

別墅

億

別墅過從數當年意氣豪象筵開旭日金絡聘平臯

託乘爭飛蓋銜杯更藉糟麝煙凝藻枕繪縷落霜刀
鷄簪花冠鬪獲驚柘彈號光風微轉蕙露并正關樵
武子牛探灸梁家克刻毛東城歸路晚飛絮撲雲袍

筠

感槩復風流交通徧五侯鳴鍾平樂宴擊鞠陵游
狡兔方多穴蒼鷹始下鞬鈴奴藏廣柳劔騎驄長揪
雲際尋撞枝花間笑雙樓害先除白額夢已應黃頭
燕酒淮增氣秦箏漫送愁鳴毛輕一死祇待報私讎

惟演

別館斗城傍斜軒映曲房蒼頭冠綠幘中婦織流黃
複道登平樂期門集未央意錢梁冀宅挾瑟莫愁堂
走馬章臺柳停車陌上又繁鼓子隨寶障投轄付銀牀

出戴繁星急歸衝細雨忙曾過阿君宿醉舞起眺梁

無題三首

億

曲池波煖蕙風輕頭白雀鷺占綠萍絕斷歌雲成夢
雨斗迴笑電作嗔霆相爾爾自古傳幽怨秦鳳何年入
杳冥不待萱蘇蠲薄怒問塔闢雀有遺翎
合歡蠲忿亦休論夢蝶翩翩逐怨竟抵待傾城終未
笑不曾忘國自無言風翻林葉迷歸燕露裊池荷觸
戲鴛湘水東流何日竭烟皇千古見啼痕
滿天飛絮習游絲鈿砌苔心我悔履綦北渚自應流怨
淚東隣誰敢效顰眉嫦娥住獨成幽恨素女弦多有
剩悲幾夕空機愁促織銀河休問報章遲

惟演

誤語成疑意已傷春山低斂翠眉長鄂君繡被朝猶
掩筍令薰爐冷白香有恨豈因燕鳳去無言寧為息
侯亡合歡不驗丁香結祗得淒涼對燭房

耿耿寒燈照醉羅者朱成碧意如何虎頭碑惡無妨
枕犀角涼心更待磨惟有幽蘭啼月露可將尺素託
雲波山屏六曲歸來夜祗恐重投折齒核
香歇環沉無限猜春陰濃淡書簾開有時盤馬看猶
懶盡日投壺笑未迴蝶怨豈能重傳粉雉嬌疑待更
求媒啼粧不治金翹閣腸斷温郎玉照臺

筠

走馬章臺青月兩歸後門猶嘆滯前期荷心出水終無
定羅裳後風莫自持復帳麝輕難辟惡曲房替蠹懶不

成絲漸漸墮
麥藏鳴雉更恨如皋一箭遲
簾敲竹影浪多疑
仙穀何能為解迷
藻井風高蛛壞
網杏梁春晚燕爭泥
更看山遠惟疑黛
縱許犀靈祗駭雞
枉裂衣霜繒幾千尺
紅蘭終夕露珠啼
麝烈初難和鳥驚
每易傷蕩舟殊不禁
奔月可能防洛浦
多遺翠秦樓滯采桑
飛蛾攢釵燭綠鴨
鬪銀塘夜合花含霧
宜男草帶霜琅玕餘
舊酒要鳳求皇

荷花

筠

水國開良宴
霞天湛晚暉
凌波宓妃至
湯將水莫愁歸
粧淺休啼臉
香清願襲衣
即時聞鼓瑟
他日問支機
繡騎翩翩過
珍禽西西飛
牢收交甫佩
莫遣比心違

億

絕岸疎烟合
回塘夕照和
水仙猶度曲
川后自收波
銀漢橋橫鵲
衛韋溢濺羅
玉杯承露重
鈿扇起風多
翠羽芳洲近
青絲快騎過
石城秋信斷
搔首奈愁何

惟演

水闊雨蕭蕭
蕭風微影自搖徐
娘羞半面楚女妬
纖腰別恨拋深浦
遺香逐画撓
華燈連霧夕鈿合
映霞朝淚有鮫人見
竟須宋玉招
凌波終未渡
疑待鵲為橋

謂

相倚秋風立
蘭言似有無
未鏡霜女後
不愛月娥孤
力弱烟被素
心危露泣珠
剪裁隨楚思
幽怨寄天鰥
半坼香囊解
微傾醉弁扶
涉江如可採
百琲答輕驅

再賦

筠

莫雨過湘渚微涼滿楚宮
濺裙無限水障袂幾多風
浪跡嫌萍實塵勞笑菊叢
氣清防麝損信密待魚通
游女歌爭發騷人思未窮
休傳江北意月冷魏池空

億

舒女清泉滿黃姑別渚通
巴天迷峽雨楚澤映江楓
思逐鮫絲亂香愁翠被空
酒從瓊蕊露吹任石尤風
怨淚連疎竹私書託過鴻
雙魚應共戲休問葉西東

惟演

玉蕊引清泉風高露白天
盈盈臨一水幕幕鳴長烟
已分蘭芝溺仍憂趙后仙
鮫絲衣更密珠蚌淚長圓
瑟然來湘浦鴻鷺近洛川
金塘正斜照誰倚木蘭船

謂

彼羨秋江上塵埃耻託根
笑傾行雨國香返夢蘭
魂蛟蝶無媒灼鴛鴦見子孫
徧窺思兩槩深鎖憶重門
怯徇風波性慚留月露痕
枉將金試步千古怨東昏

再賦七言

筠

紉蘭為佩桂為舟北渚雲飛
發擢謳已有萬絲能結
怨不須千蓋強障羞金隄
敦宰誰同上翠帟續紛客
自留欲選浣紗傾敵國
越王更起近江樓

億

翠幄飄香映綺襦
鈿盤清曉露成珠
休啼為近鮫人室
欲笑誰投玉女壺
雲氣乍迴巫峽夢
水嬉猶記曲池圖
金花却薦何人步
枉遣凌波襪縷濡

惟演

欲網珊瑚碧浪深橫塘斜日帶秋陰漢宮此地留金
餅洛浦何人遺錦衾舞學西城迴雅態歌傳南國有
餘音韓憑恨魄如長在青骨香銷亦見尋

又贈一絕

筠

粉白朱紅翡翠翹漢宮等級不相饒風波若未垂前
約一死何辭更抱橋

億

瑤水霓旌綺宴陳漢宮渠怨露華新誰然百炬金花
燭渡襪歌梁暗落塵

惟演

唾露金銷月似霜雲屏玉簾剩清光不知誰有高唐
夢翠被華燈徹曙香

謂

夢散高唐夜正遙楚天何處不無慘秋風似會荆王
意露渚煙汀養細腰

梨

惟演

紫花青蒂壓枝繁秋實離々出上蘭東海圓珪無柰
碧嶠州甜雪不勝寒已憂仙佩懸珠重更恐金刀切
玉難自與相如解瘡渴何須瓊盞作朝飧

億

繁花如雪早傷春千樹封侯未是貧漢苑漫傳盧橘
賦驪山誰識荔枝塵九秋青女霜添味五夜方諸月
溜津楚客狂醒朝已解水風猶自獵汀蘋

筠

玄光仙樹阻丹梯御宿嘉名近可齊真定早寒霜葉
薄樊川初曉露枝低先時櫻熟煩羊酪遠信梅酸損
瓠犀宋玉有情終未識蔗漿無柰楚魂迷

謂

搖搖繁實弄秋光曾伴青稗薦武皇玄圃雲腴滋紺
質上林風馭獵清香尋芳尚憶瓊為樹蠲渴因知玉
有漿多少好枝誰最見冒霜丹頰倚隣墻

淚二首

億

錦字梭停掩夜機白頭吟苦怨新知誰聞壠水回腸
後更聽巴猿拭袂時漢殿微涼金屋閉魏宮清曉玉
壺歌多情不待悲秋氣祇是傷春髮已絲
寒風易水已成悲亡國何人見黍離枉是荆王疑美

璞更令楊子怨多岐胡茄暮應三搗鼓楚舞春臨百
子池未抵索居愁翠被圓荷清曉露淋漓

惟演

皎盤千點怨吞聲蠟炬風高翠箔輕夜半商陵聞別
鶴酒闌安石對哀箏銀屏欲去連珠迸金屋初來玉
筋橫馬上悲歌寄黃鶴紫臺迴首莫雲平
家在河陽路入秦樓頭相望祇酸辛江南滿月新亭
宴旗鼓傷心故國春仙掌倚天頰滴露方諸待月白
涵津荆王未辨連城價腸斷南州抱髀人

筠

雍門琴罷已浪浪更上牛山半夕陽楚澤雲迷千里
目薊門歌斷九迴腸寒梅帶雨飄離席尺素停燈作

報章湘水未乾終未盡豈徒萬點寄疎篁
含酸茹歎幾傷神嗚咽交流忽滿巾建業江山非故
國灞陵風雨又殘春虞歌決別知止楚宴酒初酣待
報素欲訴青天銷積恨月娥孀獨更愁人

七夕

億

清淺銀河暝靄收漢宮還起曝衣樓共瞻月樹憐飛
鵲誰泛星槎見飲牛弄杼暫應停素手穿針空待貺
明眸匆匆一夕填橋苦不似人間有造舟

筠

靈匹迢迢駕七襄暫陳雲幄對星潢已看素魄過三
讓何用華燈更九光玉腕雙絲輕宛轉霞衣雜佩暗
丁當誰言巧意能勝拙祇見鳩閑鵲自忙

惟演

紫天銀水渡辛夷溼帳雕屏解佩時金碧窓中窺阿
母小姑堂上憶蘭芝初宵已有穿針樂欲曙還成弄
杼悲若比人間更腸斷萬重雲浪寄微辭

成都

億

五丁力盡蜀川通千古成都綠酎釀白帝倉空蛙在
井青天路險劍為峰漫傳西漢祠神馬已見南陽起
卧龍張載勒銘堪作戒莫矜函谷一丸封

筠

鏤膚剽俗恣遊遨可得導鴟號富饒井絡共知天與
險蟻叢無柰世興妖杜鵑積恨花如血諸葛遺靈柏
半燒才似文園何足道一生琴意祇成瘡

武侯千載有遺靈
盤石刀痕尚未平
巴婦自饒丹穴
富漢庭還責碧
斧征兩經蜀市
應和酒琴到臨
邛別寄情知有忠臣
能叱馭不論雲
棧更崢嶸

惟演

秋夜對月

億

孤雲飛隴首
顥氣滿商中
警鶴仙盤外
圓蟾浴殿東
浦寒珠有淚
巖迥桂生風
星彩沉榆莢
霜華襲桂叢
光搖銀燭亂
影射玉壺空
露館迷秦甸
冰臺接魏宮
繞枝驚暗鵲
促杼思陰蟲
更想離君恨
回腸幾處同

筠

瑤席留懽友
金波對廣庭
重簾和霧卷
六幕極天青
屬玉東西館
琉璃左右屏
梁園休賦雪
隋苑漫飛螢
蟾滴全供硯
牛津不見星
綺窓分皎皎
苔閣共亭亭
已喪應劉魄
誰通鮑謝靈
欲銷千里恨
魯酒薄還醒

惟演

顥氣中秋正
明河左界長
桂孤香易散
蚌冷淚先汪
飛蓋傾蘭坂
鳴琴厭燭房
玉盤浮浩露
素鯁冰寒漿
浪白江連楚
風淒笛怨羌
庾樓聊頽首
暮浦省更悲涼
雪漫誇圓璧
珠休號夜光
嫦娥悔孀獨
空見海生桑

前檻十二韻

億

前檻瓊鈎桂
深房斗帳寒
梨花飛白雪
蕙草吐青煙
彩鳳依珠樹
神龍護玉蓮
驚禽時格磔
戲蝶自翩翾
度繡金針澁
迷鈎畫蠟煎
怨眉顰翠羽
危涕迸朱弦
遠信三年字
空庭尺五天
行雲愁夢徹
初日妬粧妍

織為回文亂髮非墮馬偏風車來未定月杵望長懸
寶鑑腸空斷銀潢眼欲穿曾波自東注微意若為傳

筠

垂柳陰岑院游絲曠蕩春衛皋誰駐馬羅襪自生塵
四姓良家子三年賦客隣拆腰行太緩連瑣語何煩
倭墮雲爭媚便娟月闕新滅癩難辨玉約指不勝珉
電笑投壺勝江澄擣練勻東南勞鶴望西北限牛洋
寶垂凝蘭氣鳴黃咽絳脣籠禽思隴樹洞犬謝秦人
詠絮才無對聞琴意始真長安足輕薄慎勿走瓊輜

小園秋夕

惟演

潘鬢秋來已自傷庾園時物更荒涼紫梨半熟連紅
樹碧蘚初圓亂縹牆月露暗從孤桂滴水風猶獵獵

荷香滑稽還喜鴟夷在欲取臨邛美酒嘗

億

鴻都歸晚直城賒墻外連營咽莫茹玉井梧傾猶待
鳳金塘柳密更藏鴉心搖雲闕傳疎漏目斷星津過
迥槎已是秋來移帶眼可堪玄鬢有霜華

筠

枳落莎渠急夜蟲倏然平子四愁中栗林忽感雕陵
鵲雲表初過代嶺鴻阮籍卧帷疎鑿月馬融橫笛遠
含風即潛更隱前賢事猶勝楊岐込斷蓬

始皇

億

衡石量書夜漏深咸陽宮闕杳沉沉滄波沃日虛鞭
石白刃疑霜狂鑄金萬里長城穿地脈八方馳道聽

車音儒坳未冷驪山火三月青烟繞翠岑

筠

利嘴由來得擅場畫遷豪富入咸陽屬車夜出迷雲
雨峻今朝行劇虎狼前殿建旗凌紫極東門立石見
扶桑從臣嘉頌徒虛美不柰盧生識國亡

惟演

天極周環百二都六王鍾鐻接劉蘇金椎漫築甘泉
道七首還隨督元圖已覺副車驚博浪更携連弩望
蓬壺不將寸土封諸子劉項由來是匹夫

初秋屬疾

筠

秋陰淒淡隔重城一畝居仍近禁營漢苑樓臺沉莫
影謝家鼓吹發新聲烟昏露井殘樾墜葉下涼波獨

鳥驚節物變衰吟更苦可堪漳浦卧劉禎

億

潘郎已是入秋悲屬疾猶貪桂浦羸密雪才高閒賦
筆流波意遠託琴絲離愁盡日吟青案蠲渴何人寄
紫梨昨夜西樓涼月滿清談偏憶庾元規

惟演

蜜房初滿石榴紅秋意先侵玉井桐薤簞自憑南郭
几穀巾猶卧北窓風雲迷候鴈辭遙塞露濕飛螢起
暗襲病已不須傳七發粉牋香墨寄詩筒

西崑詠唱集卷上

西崑詠唱集卷下

元一

寄靈仙觀舒職方學士億



綠髮郎潛不記年却尋丹竈味靈篇華陰學霧還成
市彭澤橫琴豈要弦曉案祗應食沆瀣夜灘誰見弄
潺湲須知吏隱金門客待乞刀圭作地仙

惟演

方瞳玄髮粉闈郎絳闕齋心奉紫皇徵士高懷雲在
嶺騷人秋思水周堂閑園露草開三逕靈宇華燈燭
丸光知有羨田堪種玉幾時春渚逐歸艎

鈞

石渠仙署久離群抗跡丹臺世絕倫楊子不甘朝尚
白漆園終許自全直紫烟深處鸞雙舞朱髓成來鳥

共伸若向雲中見雞犬可能渾忘姓劉人

答內翰學士

舒雅 秘閣校理監 舒州靈仙觀

清貧無過近侍臣多情猶憶舊交親金蓮燭下裁詩句麟角峯前寄隱淪和氣忽飄燕谷暖好風徐起謝庭春緘藏便是山家寶留與兒孫世不貧

答錢少卿

蓬萊閣下舊都居偶別俄驚四載餘每見寒葭思倚玉忽臨秋水浣雙魚人間貴盛君誰及物外優閒我自餘聞認歸艎向春渚深知不與道情疎

答劉學士

往歲別京畿樓山與衆違君心似松柏鴈足寄珠璣學道情雖篤燒丹力尚微雲中雞犬在祗候主人歸

宋玉

億

蘭臺清吹拂冠綏雜草新居對渺瀰麗賦朝雲無處所羈懷秋氣動齋咨三年送目愁鄰媛七澤迷魂怨楚詞獨有江南哀句在更傳餘恨到黃旗

筠

楚國驕荒日已深山川朝暮劇登臨曾傷積毀七師道祗託微辭蕩主心江草東西多恨色峽雲高下結層陰潘郎千載聞遺韻又說經秋思不任

惟演

章華清宴重游陪已有微詞更有才神女夢靈因賦感屈平魂怨待招迴悲秋終古情難盡鄣袂何時望可來祗用大言君自許景差無計上蘭臺

送客不及

筠

青門祖帳曙烟微
片席乘流鳥共飛
曲岸馬嘶風嫋嫋
短亭人散柳依依
灞陵目斷猶回望
楚水魂銷為送歸
祗自河梁傳怨曲
洛塵千古化征衣

惟演

橋闊川長恨已多
班駘嘶斷隔雲蘿
遙山幾疊迷朱旆
芳草經時駐玉珂
高鳥可能追夕照
綠楊空自拂微波
短轅白鼻何由得
目送層樓一鴈過

筠

日上旗亭第五重
百壺春釀與誰同
黃山遠隔奔霄騎
紫塞孤飛避弋鴻
湘竹幾時休染淚
楚旌終日自搖風
此情不及歌楊柳
一尺魚書萬水中

夕陽

筠

夕陽堪極目
况復近秋殘
塞迥橫烟紫
江清照葉丹
伍胥嗟路遠
潘子念行難
更有蕪城恨
城空逼夜寒

億

夕籟起汀葭
秋空送目賒
綠蕪平度鳥
紅樹遠連霞
水閣迷歸棹
風清咽迥笳
高樓未成下
天際玉鉤斜

惟演

遠色連高樹
迴光射迥樓
自翻歸鴈影
更急思蟲愁
烟暝長先隔
霞烘久未收
華燈知可繼
惟照洞房幽

樞密王左丞宅新菊

億

中樞多暇日
小圃占秋光
雕玉新成檻
繁金乍泛觴
陶籬侵柳色
羅宅掩蘭芳
芝影連虛室
管叢接後堂

傳巖猶借雨豐嶺未飛霜温樹徧分蔭芸籤亦闔香
交枝迷露井墜葉點橫塘桐錄知延壽千齡奉紫皇

筠

東閣留嘉客寒葩豔晚光秋風自蕭瑟台座對焚煌
麗奪双南價清含九畹香嶸州霜薦味太液鵠分裳
已助蜂成蜜還隨蟻泛觴俯臨輝艾綬佩服間更芳
節物傳荆俗詩情掩謝塘更期松偃盖永奉太清方

惟演

賀燕翻飛地靈芳茂遂時陰連栢李徑潤接鳳凰池
夕照揮金葆輕風拂翠蕤露珠清自沍烟素引還披
西顛霜雖勁南榮煖更滋擷芳多楚澤泔地勝陶籬
味可登蘭藉香應奪挂旗願公長却老宴寢奉瓊卮

維

青規前席暇歸沐興何長北第秋將晚東籬菊正芳
幽叢霏薄霧桂色豔輕霜已近黃金印兼臨白玉堂
甘疑掩平實秀肯讓芝房有伎還應指無憂可要忘
藥浮丞相酒氣馥令君香好固松椿壽仙經識祕方

直夜

億

繚垣堯闕慶雲深畫燭燠爐對擁衾三殿夜籤傳漏
箭九秋霜籟入風琴堦前槁葉驚寒雨天際孤鴻答
迥砧欹枕便成魚鳥夢豈知名路有機心

惟演

千廬徼道發傳呼帝宇沉沉辟月孤重檠祗聞喧闐
鼠危枝誰見繞驚烏石螭霜重連鈎看玉虎冰消下

轉轡素髮自憐同騎省一竿何日釣秋鱸

筠

鷄人肅唱發童溝漢殿重重虎戟稠絳羽欲棲溫室
樹金波先上結麟樓風來太液聞鳴鶴霧卷明河見
飲牛萬國表章頻奏瑞手批天語思如流

洞戶

億

洞戶飛甍接綺寮一春幽恨寄蘭茗書題枉是藏三
歲壺矢誰同賽百嬌水國風霜凋杜橘仙山雲霧隔
江湖東城劍騎何曾出祗爲離愁髀肉銷

筠

百尺青樓大道過五陵遊騎驍翩翩不思夜魄過三
五祗問春醪賞十千密鎧香雲深處戶亂飄梨雪晚

來天愁眉豈待歌成後咫尺河陽信未傳

柳絮

意

瓊糝飄英逐吹繁建章飛舞入千門羗人自怨殘梅
曲注叟還迷夢蝶魂漢苑風光隨獵騎洛城花雪撲
離樽錦帆蔽日隋堤遠枉逐東流箭浪翻

筠

半減依依學轉蓬班駘無奈恣西東平沙千里經春
雪廣陌三條盡日風北十城高連城蠓甘泉樹密蔽
青葱漢家舊苑眠應足豈覺黃金萬縷空

佳演

三月江南花漸稀春陰漠漠雪霏霏草臺街裏翩跹
吹霸水橋邊送落暉陸凱傳精梅暗落韓憑遺恨蝶

爭飛詔書漫道吹綸薄誰見紛紛上客衣

與客啓明

惟演

越溪微霰洒寒梅家近嚴陵古釣臺夢欲成魚通夕
去書曾憑犬隔秋迴干時不為侏儒米樂聖猶銜叔
夜杯帝右豈無楊得意漢宮須薦長卿才

億

越客逃名誤鑿坯漢庭初聘碧雞才操心四十知無
惑削牘三千耻自媒吟苦多年依洛社賦成他日上
蘭臺郡齋懸榻流塵滿七見東風落楚梅

筠

秦疇從來易得車却枝今比我何如岳天借喻齊諧
志握火尋盟越絕書旭日西清雲幄密朔風南陌蕭

衣疎故山夜鶴空多怨金屋人爭誦子虛

無題

億

巫陽歸夢隔千峰辟惡香銷翠被空桂魄漸虧愁曉
月蕉心不展怨春風遙山黯黯眉長斂一水盈盈語
未通漫託鷗弦傳恨意雲鬢日夕似飛蓬

惟演

絳縷初分麝氣濃絃聲不動意潛通圓蟾可見還歸
海媚蝶多驚欲御風紈扇寄情雖自潔玉壺盛淚祗
凝紅春窓亦有心知夢未到鳴鐘已旋空

譯經光梵大師

億

薪火滅雙林誰傳七佛心譯筵香篆絕經葉蠹魚侵
狴座雲雷歇龍宮歲月深青蓮流半偈白馬度千岑

大士招提啓明君羽葆臨對翻天竺字助發海潮音
空界花成兩仁祠地布金九旬談妙理三接簡宸襟
淨社延居士生臺集野禽琅函香拂袂柰苑樹交陰
文字蹄求兔機緣芥值針龍華他日會應記洛生吟

鈞

漢夢通西域逍遙廣舊園竺乾方演教金粟豈忘言
硯滴寒蟾吐臺香瑞獸噴揮毫花滿袂隱几雲盈門
大士清歌發南宗密印存縱橫十二部慧日破重昏

霜月

惟演

霜月正如鈞臨池更上樓沈侯新覺瘦宋玉舊多愁
獺髓分膏密鵝毛寫恨稠長懷寄歸鴈歸鴈自悠悠

億

月夕露為霜心知厭獨房吟殘猶擁鼻望極自回腸
鬢減前秋綠衣消外國香星津誰待報織素未成章

鈞

霜曉月仍殘桐疎鳳更卑已傷春寂寂還踏夜漫漫
凍合仙槎路薰餘侍史蘭那知荀奉倩體薄不勝寒

維

銀床葉暗飄霜月夜迢迢寒極金難辟憂多酒漫銷
荀爐殘更換湘瑟罷仍調誰道河流淺芴芴萬里遙

此夕

億

此夕秋風獵敗荷玉鈞斜影轉庭柯鮫人淚有千珠
迸楚客愁添萬斛多錦里琴心誰滌器石城樵葉自
橫波程鄉酒薄難成醉帶眼頻移柰瘦何

曲瓊斜挂影沉沉火齊屏風六曲深春瘦已寬連理
帶夜長誰有屏寒金珠拋月浦空溼淚琴怨蘭堂漫
寄心碧玉可能攀貴德阮郎追騎更駸駸

惟演

筠

南州石黛有遺妍日極危梯月上弦一水相忘空脉
脉雙金何路致拳拳仙源日永樾無援客館春輕柳
未眠欲寫微詞託歸鴈風高嶺闊又經年

劉校理屬疾

億

北窓風勁雪雲繁移疾端居避世喧載酒誰過楊子
宅張羅休署翟公門多才最許飄飄氣少別還銷黯
黯魂促尔徘徊憶真賞遠天新月照黃昏

筠

撫枕凄然掩北軒漢庭誰問馬文園風簷鴟嘯厨烟
絕月樹烏驚藥杵喧戲習五禽成妙術學虧一篲阻
微言不因九奏清塵耳天路應迷簡子魂

勸石集賢飲

億

日上三竿宿霧披章臺走馬帽簷歌祗傳祖席觴無
筭肯顧尚書對有期芸省繙經終寂寞柳堤飛鞚好
追隨靈均不醉真何益千古離騷怨楚辭

宗諤

都門祖轍綺筵張舉白無由訴羽觴石室紬書勤亦
至金貂換酒醉何妨甕間吏部寧湏問席上車公不
可忘應念朝來猶眊燥解醒誰用蔗為漿

豪家抱甕擅風流更燎薰鑪白雪樓曾筆休分科斗
字蜀都且換鷓鴣裘仰天拊髀真為樂倒戴穿腸肯
易愁欲鱸長鯨置雕俎願迴北斗挹東流

即日

億

急雨度前軒池荷相對翻峰竒雲待疾蹊閭李無言
掩鼻生愁詠披襟爽醉魂一壘今已廢猶戀漢庭恩

筠

地僻無車轍心灰欲坐忘疾雷徒破柱幽草不迎涼
日烈蟬遺蛻花休蜜滿房覆觴知已久寧有次公狂

燈夕寄獻內翰號畧公 惟演

曉關羣飛河漢傍鈞陳遥認赭袍光九枝火樹連金

狄萬里霜輪上碧璫匝地行車珠網細照天晨燎紫
沉香祗聞鼇嶺神仙客再拜雲邊捧壽觴

億

瓊樓十二玉梯斜乾鵲南飛轉斗車有客郢中歌白
雪幾人天上醉流霞金吾緹騎章臺陌素女繁絃太
帝家秦痔未痊齋閣掩夢迴宮樹已啼鴉

宗諤

東城南陌盡遊人陌上香車起暗塵歷々星榆光奪
書煌々火樹豔争春童溝五鼓催行樂衛尉千廬罷
徼巡應念鼇山方併宿紫泥封後獨頻伸

筠

千輪佛火照層城九陌香車擊迅霆簡子最知天帝

樂子孟家惟信紫姑靈金徒抱箭催壺水玉宇來風滿
砌萱簾卷交疏蓮燭密通中枕上獨聞鈴

李舍人獨直

億

閣鳳巢高拂綵霞全芝香雜武都泥十行漢札如絲
出六幕堯天倚杵低露井冰銷垂素縷仙莖日轉射
璇題赫蹠雲落知誰見餘力何妨頌碧鷄

筠

卿霽重々覆壁門獨揮鴻筆坐西垣誠明自有中和
氣潤色還多郁穆言內苑朱櫻兼酪賜前堦紅藥任
風翻紫絲新履徊翔地應笑東方避世喧

無題二首

億

銅盤蕙草起青烟斗帳香囊四角懸沈約愁多徒自

瘦相如意密有誰傳金塘雨過猶疑夢翠袖風迴祗
恐仙日上秦樓休寄詠東方千騎擁鞦韆
露冷星翻月上弦九枝銀燭照金鈿應知韓祿偷香
夜猶記潘郎擲果年天上明河雖可望苑中高柳未
經眠烏啼人散青樓曉堂下輕風轉莢錢

筠

曾許千金谷院紗越溪浪淺不通槎曉樓簾卷還疑
霧外院墻低却映花滿目離愁頻駐馬一春幽夢祗
驚鴉柔桑蔽日南城路懊惱羅敷自有家
昱燦銀鞍狹路逢長裙連帶任流風身輕近識吳宮
燕目斷還驚洛浦鴻未許香囊安肘後獨憐丹枕在
房中南園蝴蝶飛無限一一雌隨一一雄

懷舊居

億

武夷仙穴近吾廬
闔鴨欄摧菌閣虛
千匹歲儲妨種橘
百金春事廢觀漁
北山烟霧迷歸轍
南陌風塵化客裾
堂上金絲應已歇
豈惟蘭菊舊叢疎

惟演

武祀仙壇接里閭
琴堂水閣半凌虛
竹林舊享銅盤食
門巷今容駟馬車
楚國大言登宋玉
漢家答詔用相如
未知笳鼓歸何日
空鑷鱸庭春草踈

筠

毛竹千叢蔽野亭
曉猿驚後亂峰青
漢庭已奏三千牘
周室仍縑十二經
紫殿深沉頻視草
絳帷寂寞自飛螢
振衣本為蒼生起
肯向荀家祗聚星

偶懷

億

銀礫飛晴霰
蘭英湛凍醪
年光侵葆髮
春恨寄雲袍
燕重銜泥遠
鴻驚避弋高
平生林壑志
誤佩呂虔刀

筠

不才甘客難
多病豈旬休
可待乘軒寵
終慙舐痔求
渚蘭薰露夕
江橘富霜秋
養拙寧無地
千波一葉舟

許洞歸吳中

億

春渚歸艎不暫留
青絲如葆恐逢秋
騷人已得江山助
賦客終陪霰雪遊
三選未荒休歎鵬
十將先饋定驚鷗
洞庭霜橘畷田粟
歲計猶堪比徹侯

筠

欲折瑤華向綠疇
風光滿目盡離愁
茂林修竹多嘉

客萬壑千巖憶舊遊漢詔已聞求泛駕禰狂無自屈
岑牟荆山待價何憂晚龜手猶期裂地酬

惟演

草薰風暖接長亭一曲驪歌倒醪醕懷古更投玄石
賦艤舟閑採紫莖萍醉拋隋岸楊花白吟過淮山桂
樹青可使長離終鍛羽淵雲辭藻挾天庭

上巳玉津園賜宴

筠

需雲分渥澤襖飲恣歡游緹幕侵晨設蘭泉對席流
蕙肴清蓬蒲玉醴湛金甌春服萋盛光風灑浮
桐華穠競發鸞鳥語巧相求妙曲新聲合斜陽醉未休

億

襖飲逢元巳春遊盛舞雩流杯傳楚俗飫賜出堯厨

玉樹天階苑銀潢水貫都肆筵環曲沼飛羊罽交衢
洛邑嚴詩逸蘭亭歲月但顏王有遺韻待了一操觚

惟演

漢家傳洛飲楚俗泛蘭泉玉液初頒酒金盤屢擊鮮
珥彤尋竹筍傾蓋集芝廬錦羽翻晴旭霞英落暖烟
雅音和舜樂虞澤洽堯天更聽承雲曲同歌在鎬年

致齋太一宮

惟演

齋潔奉惟馨瑤臺獨自升樓迷五里霧壇燭九枝燈
珠館來青雀璇題射玉繩踈鐘平野闕古栢夕霏凝
鶴扇真規月仙衣可鏤冰春茶泛雲液曉飯薦蘭蒸
鍊藥疑洪井藏書類羽陵回瞻大帝室飛檻更長憑

億

漢帝祈年館威神法太微赤章脩祕祝盤石拂仙衣
雉雉靈光發鸞歌彩霧霏霓霓飄夕吹浮草泛春暉
瓊屑晨杯消芝苗晝茹肥象樽猶一獻鳧鳥自雙飛
天迥颯輪度宵殘素瑟希回看葱鬱處佳氣接彤闈

筠

紫館天神貴綸闈地望清齋心奉蠲潔攝事罄誠明
殿翼如軒翥壇垓類削成直官琳札密太宰繡衣輕
薜荔羅芳席虹蜺曳綵旌星陳五帝佐體薦一元牲
蒼駟回風馭珍禽驚露藪丹雘散升曉氣若木競新英
挹袂寧無友凌霄自放情受璿宮室對賈傳異諸生

直夜二首

億

月魄生霄暈風鳥送晚涼飛蠅隨鏤管浮蟻溢清觴
負郭春耕廢釣天曉夢長玉籤敲未斷落宿半宮墻
鑪銷香篆謁餘芬宴坐翫飈日易曛虎圈微涼生夕
籟鶴天新霽見歸雲通中夢穩春寒薄肅唱敲沉夜
漏分誤濯塵纓成底事巖阿千古有移文

筠

瓊葉滋晨飲青縑擁夜衾萬年宮省樹五色帝家禽
詔草裁藤角薰爐燼水沉浴堂還獨對鳴佩有清音
嘉木清陰接綺窓謫仙風骨凜冰霜堯厨蓮萼分珍
膳漢廟含桃和酪漿磴道神行通碣石井幹雲構俯
瑤光金釭璧月相輝映獸口時飄侍史香

櫻桃

億

離宮時薦罷樂府艷歌新石髓疑秦洞珠胎剖漢津

三桺聊並列百果獨先春清籟來君賜雕盤助席珍
甘餘應受和圓極豈能神楚客便羊酪歸期負紫尊

筠

赤水分珠樹薰風送麥秋蜀都春氣早漢苑夏陰稠
廟薦清和候恩須待後流楚昭萍已剖韓嫣彈爭投
沉瀼滋芳液醍醐助品羞玉盤光宛轉全擬付歌喉

暑詠寄梅集賢

億

點綴鮮雲紫宙寬微風浙浙起霜紈魏臺清暑開冰
井漢殿延年啜露盤天外一飛期汗漫水邊千畝憶
檀欒流波意密知音少可得延陵為試觀

筠

石渠岌業亘宛虹玄陰清流接桂宮玉女壺歌天未

笑羲和轡緩日方中孝先便腹寧無誚痴僕承凋敢
銜功蠲渴欲來飛雪散南昌世曹有仙風

苦熱

惟濟

蘋末風休飛閣深亭日御漸流金火雲接影橫銀
漢水鳥無聲下翠陰渴想孤山同飲露煩思楚殿獨
披襟柘漿粒粒都無味衛玠清羸欲不任

億

極目長天度鳥稀纖羅不動轉晨暉已裁圓月班姬
扇更換輕雲子產衣河朔一時觴對舉臨罇萬井汗
交揮冰丸雪散成虛設欲借颿輪狂紫微

筠

六幕雲收萬籟沉結瑤千尺倦登臨七盤妙舞煩揮

汗五色嘉瓜冷鎮心極目嶺梅寧止渴拂波宮柳漫
垂陰祗憂火解神仙骨賴有泉發素琴

惟演

赫日烘霞闢曉光双文綈筆碧牙林頻傾密勺寧獨
渴久捧冰壺未覺涼雪嶺却思隨博望風窓猶欲傲
羲皇更憐乳燕翻飛處深入盧家白玉堂

屬疾

億

積日勞無補彌天疾未瘳馬卿非避事感憲自多憂
目眩花成果心驚蟻闢牛函冰那浣熱洛箇更生愁
拂枕窓風度穿簾隙日流唾壺後已缺博齒亦慵投
發篋尋桐錄支願動越謳平生江海志夕夢繞滄洲

晁迥翰林學士

精鷲成勤瘁願貞俟有瘳吟生南越思慈結北堂憂
繁枕甘為蝶豐厨厭炙牛玄元知寡欲平子尚多愁
夕鳥侵堦啄宵螢入樹流玉書能靜覽桂矢倦閑投
忽賦行雲什堪聽擊壤謳期君整朝佩仙署在瀛洲

崔遵度左司諫

李白羨物羨相如渴漸瘳八埒非性懶三昧減心憂
筆苑多批鳳公新集詞鋒勝解牛舊山疑鶴怨畏日
想雲愁廣內勞揮翰通中羨枕流使星方屢降客轄
未容投好奏倪寬議何須蒞烏謳朝衣薰歇不侍史
待仙洲

筠

暫困秦王痔無疑廣客地職清唐內相宅僻魯東家

行藥虹梁閣披襟蕙徑斜香凝虛白室露泫紫微花
冰飲何嘗熱瓊食益自嘉熊經仙有術龜息壽無涯
珍簞栽湘竹輕巾覆越紗逍遙成雅詠屬和肯容巴

因人話建溪舊居

億

聽話吾廬憶翠微石層懸瀑瀝巖扉風和林籟披襟
夕月射溪光擊浪歸露晚荒涼迷草帶雨牆陰濕長
苔衣終年已結南枝戀更羨高鳴避弋飛

清風十韻

迥

仙馭來相慰解頰良會稀病蠲宜養素趣遠欲忘機
懲躁寧無漸延齡或可祈影搖珠箔細軟泛鈿箏微
委恨餘班扇流歡入楚衣陶潛知夢穩韓壽畏香飛
氣爽蒼龍闕涼生白虎關健資鷄距筆偷撼獸環扉

松下琴心逸江東繪綉肥宿懷真隱處終約與同歸

億

素魄離箕舌鳴鳶載錦綢微涼生玉宇餘韻泛蘭皋
竿轉桐烏數厨搖蓮萼渚蘋偏霍靡苑樹更蕭騷
五斗醒初析三十翼自高陶窓時拂袵楚榭正揮毫
塵篋悲鸞扇雲帆戒鷺濤洞庭驚木葉騎省歎霜毛
勢好搏羊角心終憶蟹螯冷然知有待仙冠異吾曹

筠

閭闔重門啓飛簾別館深款款全已却雅興可能任
雲起汾河詠旌搖楚國心過簫添爽籟拂野蕩層陰
夕勁淮陽桂晨淒越鄂衾登高後落帽安寢任吹襟
珠網疏難掩銅鑪冷易侵急翻池上葉遙送月前砧

舞袖更回熊歌梁極緒音最憐鷓鴣意瞬息度千岑

惟演

溽暑迎秋盡涼颺逗曉迴起蘋初浙瀝獵桂更徘徊
欲引長烟素微飄畫燭煤墜桐侵玉井拂柳度章臺
已覺雲翹動還驚月幌開鮫簾移亂影瑤瑟泛餘哀
扇掩藏鸞羽荷傾側露杯正當河左界不待雨東來
自好搏垂翼寧勞起死灰楚宮誰第賦宋玉最多才

宗諤

閒館方迴暑商飈乍應金天高初起籟松澹更宜琴
汾棹傳歌遠班詩託興深東陽仁自布西顛氣還侵
太液翻晴旭靈和亂翠陰舟輕飛燕袂臺迥楚王襟
阮嘯經時盡齊蟬度日吟愁生孤戍角響續暮城砧

空靜銷雲縷庭虛轉蕙心賢哉吉甫頌千載有遺音

薛映右諫議大夫

爽氣乘秋至涼颺蕩暑初冷冷含遠籟械械動輕裾
翠幙波無際修篁韻有餘潛驚塞草綠乍拂井桐疎
素髮悲即將霜紈感婕妤好恣光流熠燿簾影亂蟾蜍
塵襲青絲騎香飄紺幃車故宮經馭娑別館度儲胥
薄暮來金埒凌晨上玉除寧同起窮巷賸欲賦愁予

秉

何處來蘋末蕭騷盡四隣金莖吹曉露玉宇動輕塵
易水離歌闕齊紈怨思新泛蘭迷舊澤落帽會佳辰
籬菊飄香遠庭桐墜葉頻帆開五湖客槎去九霄人
曲沼鋪紋篔簹平蕪偃綠茵鴻飛資羽翮鷹擊助精神

仙馭歸堪待琴松韻更真披襟同楚樹千古自相親

戊申年七夕五絕

筠

伯勞東翥燕西飛又報黃姑織女期天帝聘錢還得

否晉人求富是虛辭道書云牽牛娶織女取天帝錢二萬備禮久而不還被驅在營室

華寢星陳夜未央明河奕奕度神光一年暫得停機

杼不柰秋蟲促織忙

吹笙何處伴乘鸞窺牖誰人見阿環便有唐家今夕

意月和風露滿驪山

浙浙風微素月新鵲橋橫絕飲牛津豈惟蜀客知踪

跡更問庭中曬腹人

琥車芝駕儼清秋微雨侵宵助涕流人世莫嗟離恨

苦却應天上更悠悠

億

六幕西迴斗轉車鮮雲點綴玉鈎斜天孫已度黃姑

渚阿母還來漢帝家

明河左界鵲南飛漢苑高樓正曝衣一夕匆匆停弄

杼誰將錦石暫支機

蘭夜沉沉鵲滿移羽車雲幄有佳期應將機上回文

縷今作人間乞巧絲

神女歡娛一夕休月娥孀獨已千秋爭如靈匹年年

會莫恨牛津隔鳳輶

玉女壺傾笑電頻白榆晴影接星津神光奕奕雲容

薄誰見凌波襪起塵

惟演

烏鵲飛來接斷雲，祗貪清淺度星津。不知一夜支機石，却屬乘槎上漢人。

玉露金河顚氣涼，辛夷車轉桂旗香。嫦娥可是多猜忌，不駐瓊輪放夜長。

一歲佳期一夕過，羽旗雲蓋涉微波。明朝若寄相思淚，玉枕金莖得最多。

青鳥當時下紫雲，綺囊書祕露樨新。莫嫌夜半移床遠，朱雀窓中別有人。

驪阜凌雲對玉鈎，千門高切絳河秋。欲聞天語猶嫌遠，更結三層乞巧樓。

映

月放冰輪傍絳河，相期寶婺夜經過。嫦娥不惜宮中

桂乞與天香，分外多

碧天如水月如鈎，金露踏盤高玉殿。秋青鳥潛來報消息，一時西望九花虬。

漢殿初呈楚舞時，月臺風榭鎮相隨。如何牛女佳期夕，又待鑿輿百子池。

月露庭中錦繡筵，神光五色一何鮮。世間工巧如求得，四至卿曹亦偶然。

銀河耿耿露溥溥，彩縷金針玉佩環。天媛貪忙為靈匹，幾時留巧與人間。

秉

斜漢西傾桂魄新，停梭今夕度天津。世間縱有支機石，誰是成都賣卜人。

紅蕖爛熳碧池香
羅綺三千侍漢皇
阿母暫來成底事
茂陵宮桂已蒼蒼

香皆寶砌靜無塵
遙指星河再拜人
若把離情今夜說
世間生死最傷神

北斗城高禁漏多
漢家宮殿奏笙歌
漫教青鳥傳消息
金簡長生得也麼

珠箔風輕月似鈎
還看錦繡結高樓
堪傷乞巧年年事
未識君王已白頭

秋夕池上

惟演

桂月上金塘
烟容帶水光
朱華接蘭坂
綠萍溢魚防
叢暗禽棲密
林疎露下涼
秋懷已潘鬢
無柰更歸蟄

億

蓮塘帶弋林
清吹絛煩襟
泉咽猶鳴玉
臺傾舊築金
僵柀蟲自蠹
恠石蘚交侵
此夜悲秋客
烟蛩亦伴吟

偶作

意

翹車樂佩謁明光
禁籞多年費稻粱
祗羨塗塗龜尾
翻嫌霧雨豹成章
鳴鳩春穀先疇廢
寒蝶秋菘老圃荒
歸計未成芳節晚
更憂禽鹿頰纓狂

筠

殺青和墨度流年
飽食無功髮颯然
却憶侯封安邑棗
不能兄事魯褒錢
千峰月白猿啼樹
六幕風高鶚在天
招隱詩成誰擊節
願傾家釀載漁船

螢

筠

荒郊多腐草
故苑近清秋
棘密何勝數
囊輕莫重收

月高疑燭息天遠認星流紫桂風微急紅蘭露徧涼
已能穿永巷更欲拂高樓滅燭方無寐鳴蛩相薦愁

憶

爽籟生遙圃斜暉落半岑微茫浮草際零亂起墻陰
武子窓塵積隋家苑樹深燈光透踈隙珠彩射清浔
野燐宵爭出星榆曉共沉長門秋漏永偏照淚泔泔

西崑詠唱集卷下



